



**Petri Thyræi, E Societate Jesu Doctoris Theologi, Et In
Academia Herbipolensi Olim Professoris, Tractatvs De
Apparitionibvs Sacramentalibvs**

Thyraeus, Petrus

Dilingae, 1640

Capvt I. Quid sentiendum de sumptione specierum peregrinarum, in
Sacramento Eucharistiæ.

[urn:nbn:de:hbz:466:1-64272](https://nbn-resolving.de/urn:nbn:de:hbz:466:1-64272)

P A R S V.

De vſu specierum Sacramentalium peregrina-
rum, sub quibus Christus creditur ap-
paruisse.

Duplicem harum specierum vſum distinguere possumus. Vnus ad sumptionem pertinet: alter in cul-
tu & honore iis deferendo consistit. Ibi queritur,
utrum haec species, in quas Sacramentum conuer-
tur, sumi possint, vel debeant; hic utrum cultus iis aliquis, siue
veneratio tribuenda sit. Vtrumq[ue] breuiſſimè ultimè h[ab]et tracta-
tus parte expediendum est.

C A P V T . I.

Quid sentiendum de sumptione specierum per-
egrinarum, in Sacramento Eucha-
ristie?

Si post peregrinas depositas, redeant
Sacramentales, illæ sumenda
sunt. Nec quidem Sacerdoti celebranti;

Quid enim Sumptionem hic pro-
hibet? Eidem nec incumbit nouam conse-

Quid quod lex sumptionem urget? fectionem instituere, ut per-
Siperegrina perseverant, nulla ne- fectum absoluat Sacrificium.

1. **S**acramentum Eucharistiae à Christo Domino insti-
tutum esse, vt sumatur, nemo Christianorum igno-
rare potest. Nam & nomina cibi atque potus, qua-

T 2 su-

sumuntur obtinet & ut sumatur, Christi mandato vrgentur fideles. Nisi inquit Dominus Ioan. 6. manducaueritis carnem filij hominis, & sanguinem eius biberitis, non habebitis vitam in vobis. Hinc idem Dominus Sacramentum primò instituens dixit: Accipite, & manducate, hoc est corpus meum; & rursus porrigens calicem: Bibite ex eo omnes, Matth. 26.

2. Hæc cum ita sint, non sine causâ quæritur, utrum etiamsi species Sacramentales Christus in Sacramento deponat, & peregrinas quasi assumat, sumi vel debeat, vel possit. Horror forsitan suadet sumptionem intermittendam; necessitas verò diuini præcepti, nō negligendam.

3. Duplici distinctione præmissâ res definienda est. Altera ex parte specierum Sacramentalium sumitur; altera ex parte obligationis sumendi. Nam ibi vel species Sacramentales post peregrinas, sub quibus Christus apparet, sunt restitutæ; vel eadem perseverant. Hic verò, vel quid fieri necesse sit; vel quid possit fieri, disputatio est.

4. Ergo, si species sacramentales Sacramento sunt restitutæ, reuerenter illæ, religiosèque sunt sumēdæ. Quid enim hic sumptionem potest prohibere? An horror peregrinarum specierum? at illæ iam sunt depositæ. An periculum quod timetur, vomitus? at illud hic non maius, quam si nullæ obseruata fuisset transmutatio? An lex forte, vel mandatum sumptionem vetans? at quæ vetet, nulla inuenitur.

5. Quid? quod Sacerdoti (si hæc transmutatio specierum tempore sacrificij accidat) necessitas incumbat,

vt species Sacramentales sumat. Probabile enim est, non minus ad perfectionem sacrificij necessariam esse , sumptionem vtriusque speciei, quām vtriusque consecrationem. Quo fit etiam, vt quando alteram speciem deficere contingit (contingit verò multis modis) illius noua consecratio sit necessaria, ne mancum sit, mutilumque sacrificium.

6. Verūm si peregrinæ formæ permaneant, tanta necessitas species illas sumendi, non est, nec ipsis quidem Sacerdotibus imposta; nec si horror etiam sumptionem non impediret; nec etiam, si nulla propter vomitum irreuerentia timeretur. Sed nec vlla lex est, quæ sumptionem mandat.

7. Addo, quod non sine ratione dubitent quidam, vtrum possit sub peregrinis speciebus sacramentum sumi. Certe inueniuntur inter scholasticos D. D. non pauci, nec leuis eruditionis, qui conseruandas, non consumendas ilias species arbitrentur. Ehi partim pro suâ sententiâ, credunt esse horrorem sumentium; partim irreuerentiam, quæ per vomitum potest accidere; partim etiam, quod hic sub formâ humani cibi (sub quâ Christus sumendum reliquit) Sacrementum non accipiatur..

8. Nos ad has leges neminem adstringimus, nec tantam illis necessitatē imponimus, quid enim, si nullus sit horror, nullum irreuerentia periculum? Sed tamen quia consuetudo recepta est, vt species conseruentur, potius conseruandas, quām absumentas existimamus.

9. Consuetudini forsitan, graues rationes caussam dederunt. Neque enim dubium est, harum specierum,

præsentia, in fide Christi fideles confirmari; maioribus stimulis ad dignè Sacra menta tractanda instigari; pluribus diuinæ beneficentia argumentis, ad gratiarum actionem prouocari.

10. Cæterum hic nunc quæstio oritur, quid sacrificanti sacerdoti sit agendum, si mutatio Sacramentalium specierum in peregrinas, tempore sacrificij accidat, an nouam auspicabitur consecrationem? Ita sentiunt quidam; siue in vtrâque specie transmutatio sit facta, siue in alterâ tantum; propterea, quod perfectum sacrificium, ut dicunt postulet, ut non solùm Deo offeratur, verùm etiam à sacrificante absumatur. Ut quidem hoc fiat, pbamus; verùm vtrum omnino necessariū, non intelligim⁹.

11. Fortè neque si in vtrâque specie, transmutatio est factâ, nouâ vtriusque speciei consecratione est opus; neque opus alterius speciei consecratione, si facta est mutatio tantum in alterâ. Quia ibi non supplebitur sacrificij defectus; sed noua consecratione nouum repetetur sacrificium. Hic non necesse est supplere alteram sacrificij partem, quod iam antea sacrificium fuerit perfectum, vtriusque speciei consecratione. Ut porro totum (id est sub vtrâque parte) à sacrificante sumatur, quæ ratio cogat hic, ubi miraculo quasi, prohiberi Sacerdos videtur, non intelligo.

C A P V T II.

An Christo sub speciebus Sacramentalibus, & Sacramento Christum continent, diuinus cultus tribui possit, ac debeat?

Chri-